

«New Life sug‘urta kompaniyasi» aksiyadorlik jamiyati

акциядорлари умумий йиғилишининг

2022 йил \_\_\_\_\_ даги қарори билан

**«ТАСДИКЛАНГАН»**

Кузатув кенгаши раиси

Ахмеджанов Фаррух Баҳрамович

М.Ү.

**«NEW LIFE SUG‘URTA KOMPANIYASI»  
AKSIYADORLIK JAMIYATI  
ДИВИДЕНД СИЁСАТИ ТЎҒРИСИДАГИ  
НИЗОМ**

## МУНДАРИЖА

- I. Умумий қоидалар
- II. Дивидендлар миқдорини белгилаш ва ҳисоблаш тартиби
- III. Дивидендлар тўлаш тартиби ва муддатлари
- IV. Эълон қилинган дивидендларни тўлаш учун жавобгарлик
- V. Ахборотни ошкор қилиш тартиби
- VI. Якуний қоидалар

### I. УМУМИЙ ҚОИДАЛАР

1. Мазкур «New Life sug‘urta kompaniyasi» AJ Дивиденд сиёсати тўғрисидаги Низом (куйида матн бўйича – «Низом») Ўзбекистон Республикасининг амалдаги қонунларига, «New Life sug‘urta kompaniyasi» AJ (куйида матн бўйича – «Жамият») Устави ва Жамиятнинг бошқа ички хужжатларига мувофиқ ишлаб чиқилган.

Мазкур Низомда Жамият дивиденд сиёсатини акс эттирувчи ва ёритиб берувчи умумий масалалар келтирилган.

2. Жамиятнинг дивиденд сиёсати акциядорлар фаровонлигини оширишга ва Жамият капитализацияси ўсишини таъминлашга қаратилган. Мазкур Низомнинг асосий мақсади акциядорларни ва манфаатдор шахсларни Жамиятнинг дивиденд сиёсатига тегишли маълумотлардан хабардор қилиш.

Мазкур Низом Жамият Кузатув кенгашининг акциялар бўйича дивидендлар миқдори ва уларни тўлаш тартиби бўйича тавсиялар ишлаб чиқишга ёндашувини белгилайди.

Жамият акциядорларига дивидендлар тўлови билан боғлиқ бирор-бир масала Ўзбекистон Республикасининг «Акциядорлик жамиятлари ва акциядорлар ҳукукларини химоя қилиш тўғрисида»ги Қонуни меъёрлари, Ўзбекистон Республикасининг бошқа меъёрий (норматив) ҳукукий хужжатлари, Жамият Устави ва мазкур Низом билан ҳал қилинмаган ҳолатда, ушбу масала акциядорлар ҳукуклари ва қонуний манфаатларини таъминлаш заруратига асосланган ҳолда ҳал қилиниши керак.

3. Мазкур дивиденд сиёсати 2022 – 2026 йиллар даври учун ишлаб чиқилган.

Жамият ушбу даврда дивидендлар тўловига соф фойдасининг энг камида 30% и ажратилишини мақсад қилган. Қолган маблағлар келгусида Жамиятни ривожлантиришга, резерв капиталига, жамият томонидан ташкил қилинадиган фондларга ва моддий рагбатлантиришга йўналтирилади.

4. Жамият капиталлаштириш ўсишини акциядорларнинг Жамият акцияларидан даромадлар олиш бўйича қонуний мулкий манфаатларини қондиришнинг асосий усули сифатида баҳолайди. Жамиятнинг дивиденд сиёсати акцияларнинг бозор қийматини ошириш мақсадида Жамият томонидан олинган фойданинг истеъмол қилинадиган ва капиталга айлантириладиган қисмлари ўртасидаги нисбатларни оптималлашдан иборат.

5. Жамиятнинг дивиденд сиёсати қуйидаги асосий тамойилларга асосланади:

- *шаффофлик тамойили* – дивиденд сиёсатини амалга оширишида иштирок қилаётган Томонларнинг вазифалари ва жавобгарликлари, шу жумладан дивидендлар тўлови ва миқдори тўғрисида қарорлар қабул қилиши тартиби ва шартлари тўғрисидаги ахборот белгиланиши ва ошкор қилининин назарда тутади;
- *ўз вақтида тамойили* – дивиденд тўловларини амалга оширишида вақтинчалик чегаралар белгиланишини назарда тутади;

- асосланганлик тамойили – дивидендлар тўлови ва миқдори тўғрисида қарор Жамият томонидан ижобий молиявий натижаларга эришилган тақдирдагина, Жамиятнинг ҳақиқий молиявий ахволига асосланниб ривоҷланиши режсалари ва унинг инвестиция дастурлари ҳисобга олинган ҳолда қабул қилинини мумкинлигини назарда тутади;
- адолатлилик тамойили – акциядорлар дивидендлар тўлови, миқдори ва тартиби тўғрисида қабул қилинадиган қарорлар юзасидан ахборот олишида тенг ҳуқуқлар таъминланишини назарда тутади;
- изчиллик тамойили – дивиденд сиёсати тадбирлари ва тамойилларининг қатъий ижро қилинини назарда тутади;
- ривоҷланиши тамойили – Жамиятнинг стратегик мақсадлари ўзгариши туфайли дивиденд сиёсати қоидаларини қайта кўриб чиқиши ва корпоратив бошқарув тадбирларини яхшилаши доирасида дивиденд сиёсати доимий таомиллаштирилишини назарда тутади;
- барқарорлик тамойили – Жамиятнинг дивидендлар тўлови барқарор даражасини таъминлашга интилишини назарда тутади.

6. Жойлаштирилган акциялар бўйича дивидендлар тўлови тўғрисида қарорлар қабул қилиш (эълон қилиш) Жамият ҳуқуки ҳисобланади. Акциядорлар умумий йиғилиши акциялар бўйича дивидендлар тўлови ёки тўланмаслиги тўғрисида қарор қабул қилиш ҳуқуқига эга.

7. Эълон қилинган дивидендлар тўлови Жамият вазифаси ҳисобланади.

Дивидендлар тўлови билан боғлиқ сарф – харажатлар (шу жумладан, солиқлар чегирмалари ва ушлаб қолишлар, дивидендлар ўтказмалари сарф-харажатлари, почта чиқимлари) бошқарув органлари қарори бўйича дивидендлар олаётган акциядорга юкланиши мумкин эмас. Ўзбекистон Республикасининг амалдаги қонунларига мувофик, Жамият ушбу мажбуриятнинг бажарилмаганлиги учун акциядорлар олдида жавобгар бўлади.

8. Дивидендлар қўйидаги акциялар бўйича ҳисоблаб ёзилмайди ва тўланмайди:

- жойлаштирилмаган акциялар;
- Жамиятнинг ўзи томонидан эгалик қилинган ва/ёки сотиб олинган акциялар;
- Ўзбекистон Республикаси қонунлари билан назарда тутилган бошқа ҳолатларда.

9. «Акциядорлик жамиятлари ва акциядорлар ҳуқукларини ҳимоя қилиш тўғрисида»ги Қонуннинг 54-моддаси биринчи қисми билан назарда тутилган ҳолатларда Жамият акциялар бўйича дивидендлар тўлови тўғрисида қарор қабул қилиш ва тўлаш ҳуқуқига эга эмас.

## **II. ДИВИДЕНДЛАР МИҚДОРИНИ БЕЛГИЛАШ ВА ҲИСОБЛАШ ТАРТИБИ**

10. Жамият молия йили натижалари бўйича мазкур Низомнинг 8-бандида қайд этилган акциялардан ташқари, акциялар бўйича дивидендлар тўлови тўғрисида қарор қабул қилиш (эълон қилиш) ҳуқуқига эга.

Молия йилининг биринчи чораги, ярим йиллиги ва тўққиз ойи натижалари бўйича дивидендлар тўлови тўғрисида қарор (эълон) тааллуқли давр якунлангандан сўнг уч ой мобайнида қабул қилиниши мумкин.

Дивидендлар Жамият ихтиёрида қоладиган соф фойдасидан ва (ёки) олдинги йилларнинг тақсимланмаган фойдасидан тўланади. Имтиёзли акциялар бўйича дивидендлар Жамиятнинг бунинг учун махсус мўлжалланган фондлари ҳисобидан ҳам тўланиши мумкин. Бунда дивидендлар ўз вақтида тўланиши ва Жамият оборотидан дивидендлар тўлови учун маблағлар олиниши туфайли Жамиятнинг молиявий ахволи ёмонлашишининг олдини олиш мақсадида Жамият томонидан Жамият фойдаси ҳисобидан пулсиз дебиторлик қарзлари бўйича захира фонди ташкил қилинади.

Дивидендлар тўлаш тўғрисидаги қарор тегишли давр учун аудиторлик ташкилотининг

ижобий хulosаси мавжуд бўлган тақдирдагина қабул қилиниши мумкин.

11. Жамият Акциядорлари умумий йигилиши ҳар бир тоифадаги акциялар бўйича дивидендлар тўлови (эълони) тўғрисида қарор қабул қиласди. Жамиятнинг Кузатув кенгаши Акциядорлар умумий йигилишига акциялар бўйича дивидендлар миқдори ва уларни тўлаш тартиби бўйича тавсиялар беради. Дивидендлар миқдори Кузатув кенгаши томонидан тавсия қилинган миқдордан юқори бўлиши мумкин эмас.

12. Акциядорлар умумий йигилишининг дивидендлар тўлови (эълони) тўғрисидаги қарори билан қўйидагилар белгиланиши керак:

- дивидендлар тўлови (эълони) амалга ошириладиган акциялар тоифаси (*тури*);
- муайян турдаги битта акцияга ҳисоб – китобида дивиденд миқдори;
- дивидендлар тўлови муддати, тартиби ва даврийлиги.

Бунда Жамият қонунлар билан белгиланган холатларда, шунингдек қонунлар билан белгиланган муддатларда оддий акциялар бўйича дивидендларни тўлиқ тўлаш имконияти бўлмаган тақдирда, дивидендлар тўлови (эълони) тўғрисида қарор қабул қилиш хуқуқига эга эмас.

13. Акциядорлар умумий йигилишига таклиф қилинадиган акциялар бўйича дивидендлар миқдори Кузатув кенгаши томонидан қўйидаги омиллардан келиб чиқиб белгиланади:

- аудиторлик хulosаси билан шубҳасиз тўғрилиги тасдиқланган молия ҳисоботи маълумотларига асосан соф фойда миқдори;
- Жамиятнинг келгуси даврлар учун молия – хўжалик режсалари;
- Жамиятнинг тааллуқли давр якуни учун оборот маблағлари тузилиши;
- Жамиятнинг тааллуқли давр якуни учун қарз юкламалари.

14. Кузатув кенгаши таклиф қилинадиган дивидендлар миқдорини белгилашда Жамиятнинг келгуси даврлар учун молия-хўжалик режсаларини, Жамият оборот маблағлари ва мажбуриятларининг жорий ва истиқболдаги ҳолатини ҳисобга олиши керак. Кузатув кенгаши томонидан Акциядорлар умумий йигилишига таклиф қилинадиган дивидендлар тўлови Жамият томонидан қўшимча қарз маблағлари жалб қилинишига ёки келгуси даврлар учун тасдиқланган молия-хўжалик режаси билан назарда тутилмаган бошқа сарф – харажатларга олиб келмаслиги керак.

### III. ДИВИДЕНДЛАР ТЎЛАШ ТАРТИБИ ВА МУДДАТЛАРИ

15. Жамият дивидендларни пул маблағлари ёки бошқа қонуний тўлов воситалари ёхуд Жамиятнинг қимматли қофозлари билан тўлайди. Эълон қилинган дивидендлар Ўзбекистон Республикасининг миллий валютасида тўланади ёки акциядор – Ўзбекистон Республикасининг норезиденти ёзма талаби бўйича Жамият акциядор – норезидент томонидан тақдим қилинган банк счётига маблағларни ўтказиш орқали унга ҳисоблаб ёзилган дивидендларни эркин конвертация қилинадиган валютага конвертация қилинишини амалга ошириши шарт.

16. Дивидендлар тўлов муддати Жамият Акциядорлари умумий йигилиши қарори билан белгиланади, бироқ Акциядорлар умумий йигилиши томонидан дивидендлар тўлови тўғрисида қарор қабул қилинган кундан бошлаб 60 кундан кечиктирилмаслиги керак.

17. Жамиятнинг қимматли қофозлари эгалари ҳисоблаб ёзилган дивидендларни Акциядорлар умумий йигилиши томонидан белгиланган муддатларда олиш имкониятига эга бўлмаган тақдирда, Жамият бундай (йўқлаб олинмаган) дивидендлар тўловини давом эттиради. Талаб қилиб олинмаган дивидендлар тўлов даври Жамият томонидан эълон қилинган дивидендлар тўлови бўйича мажбуриятлар ижро муддати тугаган санадан бошлаб уч йилдан ошиши мумкин эмас.

18. Жамият айби билан дивидендлар Акциядорлар умумий йигилиши томонидан белгиланган

муддатларда тўланмаган (олинмаган) ҳолатда, тўланмаган (олинмаган) дивидендлар бўйича Ўзбекистон Республикаси Марказий банки томонидан белгиланган қайта молиялаш ставкаларидан келиб чиқиб жарима (пеня) ҳисоблаб ёзилади. Тўланмаган (олинмаган) дивидендлар бўйича ҳисоблаб ёзиладиган жарима (пеня) миқдори тўланмаган (олинмаган) дивидендлар суммасининг 50 фоизидан юқори бўлмаслиги керак.

**19.** Жамиятнинг ўз вазифалари қаторида акциядорлар билан ишларни ташкил қилиш ва юритиш мавжуд бўлган таркибий бўлинмаси Жамият бухгалтерияси билан биргаликда Жамият томонидан мазкур Низом билан назарда тутилган дивидендлар тўловини ташкил қилиш бўйича барча чора – тадбирларни тайёрлаш, мувофиқлаштириш ва ўтказиш ишларини амалга оширади.

**20.** Ҳар қандай акциядор Жамиятга акциялар бўйича дивидендларни ҳисоб-китоб қилиш тартиби, дивидендлар ҳисоблаши ва дивидендлар суммасига солиқ солиш тартиби тўғрисида, тўлов шартлари тўғрисида ахборот тақдим қилиниши учун расмий талабнома билан мурожаат қилиш ҳукуқига эга.

**21.** Акциядорларга дивидендлар тўлови тўғрисида қарор қабул қилган Акциядорлар умумий йиғилишини ўтказиш учун шакллантирилган Жамият акциядорлари реестрида рўйхатдан ўтказилган шахслар акциялар бўйича дивидендлар олиш ҳукуқига эга.

**22.** Акциялар улушли эгалиқда бўлган ҳолатда, белгиланган тартибда дивидендлар акциядорлар ўртасида уларнинг ҳиссаларига мутаносиб (пропорционал) равишда тақсимланади.

**23.** Акциядор ўз акциялари учун ҳукуқларни ҳисобга олиш бўйича хизматлар кўрсатадиган инвестиция воситачиларини ва/ёки Марказий қимматли қофозлар депозитариясини ўз маълумотлари ўзгаришлари тўғрисида ўз вақтида хабардор қилиши шарт. Акциядор томонидан ўз маълумотлари ўзгаришлари тўғрисида ахборот тақдим қилинмаган ҳолатларда, Жамият, Марказий қимматли қофозлар депозитарияси ва/ёки унинг акциялари учун ҳукуқларни ҳисобга олиш бўйича хизматлар кўрсатадиган инвестиция воситачиси акциядорга шу туфайли етказилган заарлар учун жавобгар бўлмайди.

**24.** Акциядор дивидендлар ўтказмалари учун ўз банк реквизитлари ёки манзилини нотўғри кўрсатган, ёхуд Жамиятга қайд этилган реквизитлар тўғрисида хабар бермаган, ёхуд улар тўғрисида ўз вақтида хабар бермаган тақдирда, Жамият акциядорга шу туфайли етказилган заарлар учун жавобгар бўлмайди. Мазкур бандда қайд этилган сабаблар бўйича акциядорнинг айби билан нотўғри ўтказилган дивидендлар суммалари Жамиятга қайтарилгандан сўнг, уларнинг аниқлик киритилган реквизитлар бўйича акциядорга тақорорий ўтказилиши уларнинг қайтарилиши ва тақорорий ўтказмаси учун сарф-харажатлар чегирма қилинган ҳолда амалга оширилади.

**25.** Жамият акциядорларга уларга тегишли акциялар бўйича даромадларни тўлашда солиқ агенти ҳисобланади ва ҳисоблаб ёзилган дивидендлар тўловини қимматли қофозлар бўйича даромадлар олинганлиги учун Ўзбекистон Республикасининг амалдаги қонунлари билан белгиланган солиқлар чегирма қилинган ҳолда амалга оширади. Солиқ солиш стандарт ставкалари татбиқ қилинмайдиган акциядор Ўзбекистон Республикасининг амалдаги қонунлари билан белгиланган тасдиқловчи хужжатларни Жамиятга (унинг томонидан жалб қилинган Тўлов агентига) тақдим қиласи.

#### **IV. ЭЪЛОН ҚИЛИНГАН ДИВИДЕНДЛАРНИ ТЎЛАМАГАНЛИК УЧУН ЖАВОБГАРЛИК**

**26.** Жамият ҳар бир турдаги акциялар бўйича эълон қилинган дивидендлар тўловини амалга ошириши шарт.

**27.** Дивидендлар тўланишида акциядорлардан ҳеч бири тўлов муддатлари бўйича

устуворликларга эга эмас.

Жамият томонидан оддий акциялар бўйича хисоблаб ёзилган дивидендлар тўлови акциядорларнинг дивидендлар олиш учун тенг хукуқларига риоя қилинган ҳолда амалга оширилади. Бунда Жамият белгиланган муддатларда миноритар акциядорларга дивидендлар тўлови таъминланмайдиган бўлса, йирик акциядорга дивидендлар тўлаш хукуқига эга эмас.

**28.** Жамиятнинг Бош директори Жамият акциядорлариға дивидендларнинг тўлиқ ва ўз вақтида тўлови учун жавобгар бўлади. Бош директор ҳаракатлари устидан назорат Жамиятнинг Кузатув кенгаши томонидан Жамиятнинг Тафтишчиси билан биргаликда амалга оширилади.

**29.** Жамиятнинг Кузатув кенгаши ҳисоблаб ёзилган дивидендлар тўловини таъминлаш мақсадида ўз йиғилишларида дивидендлар тўлови жараёни тўғрисидаги масалани кўриб чиқади. Жамиятнинг Бош директори айби билан дивидендлар тўлови тўлиқ ёки ўз вақтида амалга оширилмаган тақдирда, Кузатув кенгаши айбордor шахсларнинг жавобгарлик чораларини белгилайди ва тааллуқли жарималар солади ёхуд жарима солинишини талаб қиласди.

**30.** Жамият томонидан ўз мажбуриятлари бажарилмаган тақдирда, акциядорлар ҳар бир турдаги акциялар бўйича эълон қилинган дивидендлар тўловини суд тартибида талаb қилиш хукуқига эга.

**31.** Жамиятга юкланган дивидендлардан солиқ суммаларини ушлаб қолиш ва ўтказиш бўйича солиқ агенти вазифаси бажарилмаганлиги ёки тегишлича бажарилмаганлиги учун Жамият Ўзбекистон Республикаси қонунларига мувофиқ жавобгар бўлади.

## **V. АХБОРОТНИ ОШКОР ҚИЛИШ ТАРТИБИ**

**32.** Мазкур Низом, шунингдек унга киритиладиган ўзгартиришлар ва қўшимчалар Жамият томонидан унинг Интернет тармоғидаги корпоратив веб – сайтида Жамият бошқарув органининг тааллуқли қарор қабул қилинган йиғилиши баённомаси имзолангандан сўнг ўн кун мобайнида ошкор қилинади.

**33.** Акциядорлар умумий йиғилиши томонидан дивидендлар тўлови тўғрисида қарор қабул қилинганда, Жамият ахборотни қонунлар билан белгиланган муддатларда мухим маълумотлар тўғрисидаги хабарлар шаклида ошкор қиласди. Бунда Жамият томонидан электрон почта орқали акциядорларга уларга дивидендлар хисоблаб ёзилганлиги тўғрисида билдириш хати юборилади.

**34.** Жамият томонидан дивидендлар тўлови бўйича ўз мажбуриятлари бажарилганлиги ҳолати юзасидан Жамият тааллуқли ахборотни қонунлар билан белгиланган муддатларда мухим маълумотлар тўғрисидаги хабарлар шаклида ошкор қиласди.

## **VI. ЯКУНИЙ ХУЛОСАЛАР**

**35.** Мазкур Низом, шунингдек унга киритилган ўзгартиришлар ва қўшимчалар Акциядорлар умумий йиғилиши томонидан тасдиқланади.

**36.** Мазкур Низомга ўзгартиришлар ва қўшимчалар Жамиятнинг Кузатув кенгаши, Жамиятнинг Тафтишчиси, Жамиятнинг ички аудит хизмати аъзолари, Жамиятнинг Бош директори тақлифлари бўйича киритилади.

**37.** Агар мазкур Низомнинг айрим моддалари Ўзбекистон Республикасининг амалдаги қонунларига ва/ёки Жамият Уставига зид келса, ушбу моддалар ўз кучини йўқотади ва ушбу моддалар билан ҳал қилинадиган масалалар бўйича мазкур Низомга тааллуқли ўзгартиришлар киритиладиган пайтга қадар Ўзбекистон Республикасининг амалдаги қонун меъёрларига ва/ёки Жамият Уставига амал қилиниши керак.